

Torneo di volleyball estilo Mini Campeonato

ORANJESTAD(AAN)-- Directiva di Smarties Noord Volleymaster, cu gran cooperacion di su sponser, lo bay organiza un grandioso torneo di volleyball estilo mini Campeonato pa tur equiponan afilia na Aruba Volleyball Association.

Tur esaki ta depende di e interes cu e equiponan demostra.

Intencion ta pa tur e weganan tuma lugar na St. Anna School na Noord.

Lo worde hunga den categoria caballeros, y damas tanto A-class como B-class.

Weganan lo ta durante dianan

den siman anochi y Diadomingo den dia.

Pa campeon y sub-campeon di cada categoria, lo bay tin premionan bastante atractivo.

Di e forma aki Directiva di Smarties Noord Volley Master, kier tuma e iniciativa pa haci algo pa reactiva Volleyball organiza aki na Aruba, cu sigur mester un impuhe formal di un y tur cu tin algo di haber cu volleyball.

Un suplica ta bay cu tur teamnan pa cumenza prepara.

E torneo lo ta programa pa cumenza dia 20 di April 1990.



Campeonato di basketball ta continua awe

ORANJESTAD(AAN)-- Awe nochi na Sporthall, Directiva di Aruba Basketball Bond ta continua cu su programa di e campeonato 1989/90.

E promer encuentro lo ta den categoria damas A-class, unda cu e equipo di "Ola" Aruba Security and Crime Prevention lo topa cu Gen. Construction pa 7.30.

E di dos partido lo ta programa pa cumenza 8.30, ora cu Amstel Rebels enfrenta Estrella Shell Station Wayaca den caballeros B-class.

Diahuebs e campeonato ta continua riba cancha di Centro di Bario Brazil.

Pa 7.30 di anochi den categoria damas junioren, Gen. Construction lo enfrenta San Nicolas Trotters, y pa 8.30 den categoria

di caballeros A-class, Chinese Ritz Ling and Sons lo enfrenta Guns and Roses.

Diasabra ultimo a tuma lugar na Jamaica e pelea pa titulo Campeon Continental of America's W.B.C. Middleweight entre Anthony Logan di Jamaica y Ed Neblett di Barbados. Den un tremendo pelea di golpi pa golpi, Anthony Logan a gana e combate di 12 asalto. Tur tres huez a vota na favor di Logan. Harry Croes a referee e pelea y Roy Van Putten tabata supervisor. Riba e grafico e campeon Anthony Logan cu su faha di campeon.

Septimo torneo Ramon Mancilla

ORANJESTAD (AAN) Comision di Promocion di torneo di futbol Aspirant Ramon Mancilla ta participa cu otro siman Diahuebs 5 di April pa 5 or y 30 di atardi lo bay tuma lugar den Stadion di R.C.A e apertura di e torneo cu defile.

Lo tin weganan di futbol aspirant dianan 5, 6, 7 y 8 di April den Stadion di R.C.A. Lo tuma parti e teamnan di Aspirant futbol Division Menor y Mayor cu a clasifica of lo clasifica pa fin di e siman di campeonato 1989.

Tambe lo bay participa pa prome biaha e mihor cuatro teamnan di futbol damas pa e campeon y subcampeon di es torneo. E programa y number di e teamnan lo worde participa fin di siman.

Lo tin trofeonan, medallanan y premios pa e teamnan ganador, e clausura lo ta di Diadomingo 8 di April cuminzando 9 or 30 di mainta te 2 or di atardi.

Sr. Ramon Mancilla lo ta presenta pa e apertura di e torneo.





Havenstraat 32
Fergusonstraat 41
v. Zeppenfeldstraat 8

cetronic

CTV 14"	CT-1411	Af1.425,=
CTV 14"	CT-1424 RMC	Af1.585,=
CTV 20"	DT-20912	Af1.575,=
CTV 20"	DT-20924 RMC	Af1.695,=
VCR	CV-9100 RMC	Af1.675,=

 **GoldStar**

B/W TV 12"	BMR-2073	Af1.195,=
CTV 19"	CMR-9163	Af1.525,=



CETRONIC VCR CV-9100 675,=

Cu cada compra di Afl.100,= pariba, bo ta ricibi 1 T-shirt gratis.



MIHOR CALIDAD - MIHOR SERVICIO - MIHOR PRIJS